

Ilanngussaq 1

Imermik oqimaaloquttamik aamma umiarsuit imermut oqimaaloquttamut tankiini kinnernik passussisarneq

A. Nassuiaatit

- 1) Imeq oqimaaloqutaq: imeq, umiarsuup usiinut, saneraanut, itsineranut, patajaassusianut imaluunniit sukarutaanut nalimmassaaitit umiarsuarmut usiliunneqartartoq.
- 2) Kinnerit: Umiarsuarmi erngup oqimaaloquttap kinneri.
- 3) Uumassusillit inangiiniartartut: imermi tappiorannartut, taakkununga ilaallutik uumasut tappiorannartut napparsimalersitsisartut (patogenit(tunillannartut aseruutsitsisartut)) immamut, tassungalukuu akui tatsinilluunniit tarajoqanngitsut ilanngullugit kuugunneqarunik akulerunnerminni avatangiisinut, inuit peqqissusaannut pigisanulluunniit ajoqusiisinnaasut, uumassusillit assigiinngissitaarnerat ajorseriartitsisinnasut imaluunniit sumiiffiit taamaattut allatut naleqquttumik atornerqarnerinut akornusiisinnaasut.
- 4) Sananeqarnera: ilanngussami matumani paasineqassaaq piffissaq
 - a) umiarsuup kujaavata piareerana,
 - b) sanaartorerup umiarsuup aalajangersimasup ilisarineqarsinnaalernerata aallartiffia,
 - c) umiarsuup katiterneqarnerata aallartiffia, tassanilu umiarsuaq minneruppat, umiarsuup timitassaattut ataatsimut missiliorneqarnerani minnerpaamik 50 tons imaluunniit 1 procent sananeqarsimappat, imaluunniit
 - d) umiarsuup annertunerusumik allanngortiterneqarfia, tassalu umiarsuup imermik oqimaaloquttamik usisinnaassusianik 15 procentinik annerusumilluunniit allannguisoqarpat, taamaallunilu umiarsuup atasinnaassusia ukiunik qulinik amerlanerusunilluunniit sivitsorneqartussanngorlugu umiarsuup suussusianik allannguisoqarpat, imaluunniit atortunik taarsersuiinnarani aamma allanngortiterinerit imermut oqimaaloqutaqarfimmut allanngortitsinernik allanik kinguneqarpat.
- 5) Ukiumi ulloq nalliussivik: ukiut tamaasa ullut qaammatillu, umiarsuarmut akuersissutit atorunnaarfissaasa ulloqatigisai.
- 6) Imermut oqimaaloquttamut tankit: umiarsuarmi tankit inillu imaluunniit immikkoortortat, imermik oqimaaloquttamik assartuinnermut, immiinnermut imaarsinermullu atornerqarsinnaasut.
- 7) Imermik oqimaaloquttamik usisinnaassuseq: umiarsuup imermut oqimaaloquttamut tankiini usisinnaassuseq tamarmiuseq kubikmeterinngorlugu.
- 8) Imermik oqimaaloquttamik passussineq: imermik oqimaaloquttamik saliinnermi taarsiinnermiluunniit atortulersorfiusunut, sananeqaatinut akuugaasutsinut aammalu uumassusilinnut tunngasut, tamatumani Imermi oqimaaloquttami kinnernilu uumassusilinnik inangiiniartartunik – kisimiitillugit akuleriissillugilluunniit – piaanissaq, ulorianarunnaarsitsinissaq pinngitsoortitsinissarlu siunertaralugu suleriaatsit.

9) Imermut oqimaaloquttamut saliiveqarfik: atortoqarfik imermik oqilaaloquttamik saliinermi atorpeqartoq.

10) Akuutissat sunniisinnaasut: akuutissat tappiorannartulluunniit, tassungalu virusit imaluunniit oquit ilanngullugit, ataatsimut isigalugit imaluunniit immikkut ittumik imermi tappiorannartunut patogen-inullu(tunillannartunullu) ulorianaatilinnut sunniisinnaasut akiuisinnaasullu, aammalu imermik oqimaaloquttamik saliinermut atorpeqartut.

11) Sumiiffik taarsiiffiusoq: sumiiffik danskit imaluunniit nunanit allameersut oqartussaasuisa imermik oqimaaloquttamik salinneqanngitsumik taarsiiffiusinnaasutut toqqagaat.

12) Isumaqatigiissut: nunani tamalaani imermik umiarsuarni oqimaaloqutarineqartunik kinne-
rinillu nakkutilliinissamik passussinissamillu isumaqatigiissut, 2004.

B. Umiarsuit angissusii ukiullu sananeqarfii malillugit atulersitsisarneq

1. Umiarsuit isumaqatigiissutip atulervia sioqqullugu sananeqarsimasut tamarmik, isumaqatigiissutip atuutilernerata kingorna umiarsuup nutarteriffiusumik siullermeerluni misissorneqar-nissaata tungaanut taarseeriaatsimik passusseriaatsimilluunniit matuma kinguliani allaaserine-qartumik naammassinniffiusumik imermik oqimaaloquttamik passussisassapput .

2. Umiarsuit isumaqatigiissutip atuutilernerata kingorna sananeqarsimasut tamarmik, passus-seriaatsinik matuma kinguliani allassimasunik naammassinnissapput.

C. Imermik oqimaaloquttamik saliisarnermi malitassat

1. Umiarsuit imermik oqimaaluttaminnik passussiniartut, erngup oqimaaloquttap kuutsinne-qartup ukunanga annikinnerusunik akoqarnissaa qulakkiissavaat:

1) Tapiorannartut aniguisinnaasut kubikmeterimut qulit, uuttuutip minnerpaaffissaannit 50 mikrometerinik annerusut angeqatigalugilluunniit, aamma

2) Tapiorannartut aniguisinnaasut millimeterimut qulit, uuttuutip minnerpaaffissaannit 50 mikrometerinik minnerusut .

2. Kiisalu imaarsinermi tappiorannartunuk ersiutit imaarsinermi akuusut uku qaangerneqarsi-mannginnissaat qulakkeerneqassaaq:

1) toksigene *Vibrio cholerae* (O1 aamma O139), uumasunik tappiorannartunik misissugassanik (masattunik) tigusinermi, milliliterimut imaluunniit grammimut 1 cfu-t inorlugit ataatsi-moortut ataatsit inorlugit immikkoortullit (cfu),

2) *Escherichia coli*, 100 milliliterimut 250 cfu-nit ikinnerusut, aamma

3) intestinale enterokokker, 100 milliliterimut 100 cfu-nit ikinnerusut.

3. Imermik oqimaaloquttamik passussinermi isumaqatigiissummi ilanngussaq G4 (Imermik oqimaaloquttamik passussinermut aamma imermik oqimaaloquttamik passussinissamut piler-saarusiortarnermut malittarisassat) eqqarsaatigineqartariaqarpoq.

D. Imerk oqimaaloquttamik taarsiinermut malittarisassat

1. Umiarsuit atuilernissamat aalajangersakkat matuma siulianiittut naapertorlugit imermik oqimaaloquttamik akuiarneqanngitsumik taarsiiniarlutik aalajangiisimasut, imermut oqimaaloquttamat tankini, umiarsualivinnut tikinnermi atorneqartartuni erngup minnerpaamik 95 procentiata taarserneqarnissaa qulakkiissavaat. Umiarsuit atulersitsinissamat aalajangersakkat matuma siuliani allassimasut naapertorlugit imermik oqimaaloquttamik salinneqanngitsumik taarsiinissamik toqqaasut qulakkiissavaat, umiarsuup umiarsualivimmu tikinnerani imermut oqimaaloquttamat tankini tamani erngup minnerpaamik 95%-iata taarserneqarnissaa. Taarsiinermi imermut oqimaaloquttamat tankinik imaarsinermi errortueqqissaarluni taarsiisoqassapat, imermut oqimaaloquttamat tankit, umiarsualivimmu tikinnermi atorneqartartut imaasa minnerpaamik pingasoriaataat errortueqqissaarnermut atorneqassaaq.

2. Imerk oqimaaloquttamik salinneqanngitsumik taarsiineq minnerpaamik 200 meterinik itissusilimmi, minnerpaamillu sinerissamat umiarsuarmit qaninnerpaamiittumut 50 sømilinik ungasissusilimmi, aammalu ajornangippat umiarsuup angallaviani minnerpaamik sinerissamat umiarsuarmit qaninnerpaamiittumut 200 sømilinik ungasissusilimmi pissaaq, tamatumani taarsiineq taarsiiffissatut toqqarneqartumi suliarineqanngippat.

3. Umiarsuaq angallavissatut pilersaarutigisani qimannagu imaluunniit angalanissani kinguaattoortinnagu ungasissusissanut malitassat matuma siulianiittut naapertorlugit taarsiinnaangippat, aammalu umiarsuup angallavimmini taarsiiffissaq aqqusaarnianngippagu, umiarsuaq imermik oqimaaloquttamik taasiinissamat passussinissamulluunniit pisussaaffeqassanngilaq.

4. Imerk oqimaaloquttamik taarsiinermi isumaqatigiisummi ilanngussaq G4 (Imerk oqimaaloquttamik passussinermut aamma imermik oqimaaloquttamik passussinissamat pilersaarusiortarnermut malittarisassat imermillu oqimaaloquttamik passussinissamat pilersaarusiortarneq) aamma ilanngussaq G6 (Imerk oqilaaloquttamik taarsiinissamat malittarisassat) eqqarsaatigineqartariaqarput.